

ROCCA. — Rocca Hieronymus, episc. Isolanus, edidit *Disputationes juris selectas*.

ROCCO. — Rocchus Pyrrhus, congregationis S. Salvatoris Messanæ, edidit *Historiam Siciliae sacræ*.

RODENG. — Camillus Rodengus, vel Rodingus, natione Italus, patria Brixienis, Societatis Jesu, florebat ad medium XVII sæculi; rhetoricam quinquennio professus est, philosophiam triennio, theologiam decennio Bononiæ, ubi multis annis studia moderatus est. Concionatorem præterea aliquandiu egit, et sacras lectiones in templo Bononiensi per annos 14 habuit. Venetiis rexit domum professam; præfuit Bononiæ studiis. Multas edidit orationes funebres et forte *Theologiam scholasticam*.

RODERIC. — Rodericus Gaspardus, jurisconsultus, edidit *De annuis redditibus*.

RODERIC. II. — Hieronymus Rodericus, Lusitanus, Regularis Observantia provinciae S. Jacobi, in cœnobio Salmantino, theologiae moralis professor, anno 1630 edidit *Compendium questionum regularium Emmanuelis Roderici, sive resolutiones questionum regularium ad compendii formam redactas, quibus accesserunt notæ, retractationes et additiones, quibus seorsim partim quædam, ab auctore omissa supplentur, partim aliorum idem vel diversum sententiarum rationes pari brevitate excerptæ expendantur, varique Bullarii indulta intertextu recententur*.

RODRIG. — Rodriguez Amator, jurisconsultus cui attribuitur opus titulum præbens: *De concursu creditorum*.

RODRIG. — Rodriguez Emmanuel, Lusitanus, ex oppido Extremoz, ordinis Minorum, vir doctissimus fuit, maxime juris canonici, et theologiae vulgo moralis appellata. Semel atque iterum in sua provincia dilector, immersus studiis, alia munera, etiam domestica, constantissime respuit, provincialatus quoque fugiens honorem. Publicæ utilitati dedit, anno 1598: *Questionum regularium et canonicarum tria volumina*, — anno 1609, *Collectionem et compilationem privilegiorum apostolicorum regularium Mendicantium*, et alia permulta et eximia opera.

ROHAN. — Rohan (Armandus de), cardinalis, Sorbonicus prior, universitatis Parisiensis rector, episcopus Argentinensis, obiit anno 1756. Edidit *Rituale Argentinense*.

ROHAS. — Rohas (Christophorus de), desinente XVII sæculo conatus est ut Catholicos cum Protestantibus coadunaret, et ad hoc novum concilium convocari volebat. Tiniensis erat episcopus apud Bosniam. Forte auctor est operis cui titulus est: *De hæreticis*.

RONCAGL. — Roncaglia Constantinus, natione Italus, congregationis Eremitarum Matris Dei, vir scientia et virtutibus insignis, migravit ad Dominum anno 1737. Scripsit: *Nat. Alexandri historiam ecclesiasticam Veteris et Novi Testamenti, notis et animadversionibus illustratam*, — *Universam moralem theologiam*, — *Effetti della pretesa riforma di Lutero e Calvino e del Gianesismo*.

ROSA (DE). — Thomas de Rosa, episcopus Cavenensis, scripsit *De executoribus litterarum apostolicarum*.

ROSELL. — Joseph Rosell, Carthusianus, edidit *Praxim deponendi conscientiam dubiam, et scrupulos*.

ROSIGNOL. — Rosignol Gregorius, natione Italus, ordinis Barnabitarum, primus præclare ordinis sui numeribus functus est. Migravit ad Dominum anno 1715. Multa opera concinnavit quorum præcipua sunt: *Praxis theologico-moralis de contractibus ut sic, emptione et venditione, mutuo et usura, emphyteosi et censibus*, — *De cambiis et permutatione*, — *De sponsalibus*, — *De matrimonio*.

ROSM. — Paulus Rosmer, Mosæ Trajectinus,

et Societate Jesu, celeberrimus quondam in Casarea Viennensi, et archiducali Græcensi academiis S. Theologiae doctor ac professor ordinarius. Obiit Græci in Styria, die 8 Junii 1664. Edidit: *De jure et justitia ac potissimum de contractibus*, — *Conclusiones*, — *De actibus humanis*, — *De Deo uno et trino*.

ROSWEDUS. — Heribertus Rosweyus, natione Belga, Societatis Jesu, philosophiam Duaci didicit et docuit. Sacras item litteras Duaci et Antuerpiæ professus est: a quibus studiis missione impetrata, rudeque donatus, animum ad scribendum appulit, et plerasque bibliothecas lustravit atque excussit, sanctorum vitas aliæque eruit. — Ad ingenii perspicaciam et judicii maturitatem accedebat studium quoddam indefessum laborandi, indagandi et inquirendi in antiquitate omnis ævi, tum sacram, tum etiam profanam. Obiit Antuerpiæ, in domo professa, anno 1629. Edidit: *Fastos sanctorum*, — *Disputationem de fide hæreticis servanda*, — *Notationes in veteri Martyrologium Romanum*, — *Historiam ecclesiasticam*, — *Vitas sanctarum virginum*, etc., etc., etc.

ROTA ROM. — Rota Romana et ejus compendium Mediolani quinque voluminibus impress.

ROTAR. — Thomas Franciscus Rotarius, clericus regularis S. Pauli, edidit *Theologiam moralem regularem*.

ROUSSEAU DE LA COMBE. — Guido du Rousseau de la Combe, Lutetiæ advocatus, multa jurisprudentiæ eximia concinnavit opera: *Recueil de jurisprudence civile du pays de droit écrit et coutumier*, — *Traité des matières criminelles*, — *Recueil de jurisprudence canonique et bénéficiale*.

ROX. — Franciscus Roxas, ordinis Minorum, scripsit: *Catenam auream Ecclesiæ doctorum in historiam evangelicam*.

ROYE. — Roye (Franciscus de), natione Anglus, jurisconsultus, anno 1686 decessit. Scripsit *De missis Dominicis*.

RUBEIS. — Joannes Bernardus Maria de Rubeis, natione Italus, ordinis Prædicatorum, vir fere in omnibus scientiis versatissimus, et virtutibus insignis, omnes constanter honores respuit ut studio vacaret. Anno 1775 migravit ad Dominum. Fere innumera opera concinnavit: *De fabula monachatus Benedictini divi Thomæ Aquinatis*, — *De peccato originali ejusque natura*, — *Dissertationes variae eruditionis*, — *De charitate, virtute theologica, ejusque natura*.

RUBEUS (P.). — Rubeus Paulus, jurisconsultus, edidit *Annotationes ad decisiones Rotæ Romanæ*.

RUBION. — Guillelmus Rubionus vel de Rubione, Hispanus, ex oppido Villafranca in regno Aragonensi, ordinis Minorum, hujus provinciae minister provincialis, ac subtilis doctoris eruditissimus discipulus, floruit circa annum 1533, posteris relinquens *Commentaria in quatuor libros Sententiarum*.

RUINART. — Ruinartius Theodericus, natione Gallus, ordinis S. Benedicti, congregationis S. Mauri, SS. Patrum sese studio dedit magno cum ardore, immensoque fructu, ita ut a Mabillonio electus sit laborum socius. Simplicitate, modestia, recto judicio, nitido stylo, clarus est. Ruinartius obiit anno 1709. Multa opera scripsit Ruinartius: *Acta primorum martyrum sincera et selecta*, — *Ecclesia Parisiensis vindicata*.

RUPERT. — Rupertus Yprensis, ordinis S. Benedicti, vir scientia et studi amore insignis, obiit anno 1135. — Multa opera scripsit quæ a D. Migne in *Patrologia Latina* edita rursus fuerunt, tom. CLXVII-CLXIX.

## S

SA. — Sa Emmanuel, natione Hispanus, patria

Interamnensis, primo Conimbricæ Romæque doctus professor, deinde in urbes Italiæ ad prædicandum missus, multa doctrina animique modestia et sanctitate præclare enituit; e vita migravit anno 1596. Edidit: *Scholiam in quatuor Evangelia*, — *Notationes in totam sacram Scripturam*, — *Aphorismos confessoriorum*.

SABIN. — Sabinus Franciscus, ordinis Minorum, patria Bononiensis, scripsit opus cui titulus: *Lux moralis*.

S. BEUV. — Sainte Beuve, Gallicus canonista, vita functus anno 1677. Typis mandavit *Resolutiones casuum conscientiarum*.

SAL. — Sala Robertus, Italus, scripsit *Adnotationes ad opera cardinalis Bona*.

SALAMANC. — Salamanca Alexius, Hispanus, patria Zamorensis, ordinis Minorum, qui elegantia ingenii atque doctrina simul et cognitione linguarum speciatibilis deprædicatur; claruit circa annum 1520. Elucubravit *Dialogos de Christi Domini republica*.

SALAS. — Salas (Joannes de), Societatis Jesu, natione Hispanus, patria Gumielemis de Ysan, Salmanticiæ et Romæ theologiam professus est; vir inter doctos doctissimus qui sæpe a multis tanquam oraculum sapientiæ consulabatur; Salmanticiæ obiit die 20 Septembris anni 1612. Edidit: *Disputationes in Summam divi Thomæ*, — *De contractibus, de legibus, de emptione et venditione*.

SALAZ. — Salazar de Mendoza, Hispanus, scripsit: *De institutione canonice penitentiae*, — *De usu et consuetudine*.

SALER. — Salernus Franciscus, Neapolitanus, pontificii concilii notarius, e vita decessit anno 1564. Typis mandavit opus cui titulus: *Consiliorum sive Responsorum juris matrimonii valor*.

SALES. FRANC. — Salesius Franciscus (sanctus), Genovensis episcopus, Parisiis prima litterarum principia didicit, jus vero Paduæ, deinde episcopalem, quamvis reitens, adeptus dignitatem, magna morum amoenitate, animique eximia dulcedine enituit, qua prorsus innumeros hæreticos ad veram fidem adduxit; e terra raptus est in cælum anno 1622, ætatis suæ 56. Eximia edidit opera: *Introduction à la vie dévote*, — *Traité de l'amour de Dieu*, — *Lettres spirituelles*.

SALIAN. — Salius Jacobus, natione Gallus, patria Avenionensis, collegii Vesuntionensis rector; sacras etiam habuit conciones et ætatis suæ cursum vel scribendo vel in audiendis confessionibus penitentium confecit; vir integritate vitæ atque indefesso labore conspicuus; apoplexia ictus obiit anno 1640. Elucubravit: *Annales ecclesiasticos Veteris Testamenti ab orbe condito usque ad Christi Domini mortem*, — *De timore Dei*, — *De amore Dei*.

SALICET. — Salicetus, Italus jurisconsultus, patria Bononiensis, juris doctus professor, legationem egit ad papam Gregorium XI; obiit anno 1412. Scripsit *Commentaria de Codice*.

SALLUST. — Sallustius Caius Crispus, percelebris historiographus Romanus, primum quæstor, deinde tribunus, prætor, ac tandem proconsul Numidiæ, vitam dissolutis moribus deditam egit; natus est anno 80 ante Christum. Eximia edidit opera: *Bellum Jugurthinum*, — *Conjunctionem Catilinæ*.

SALM. — Salmanticensis Carmelitæ Disalceati, quibus attribuitur *Cursus theologicus*.

SALMER. — Salméron Alphonsus, natione Hispanus, patria Toletanus, postquam in academia Parisiensi philosophicæ et theologiae disciplinas diligenter excoluisset, beato Ignatio Societatis Jesu fundatori socium se adjunxit; maximas ac celeberrimas Italiæ et Germaniæ civitates sacris concionibus illustravit; in Hibernia etiam nuntii apostolici munere functus, synodo Tridentinæ interfuit, ubi maxima cum opinione eruditionis et audientium admiratione sententias dixit, ac tandem laboribus

exhaustus pie migravit ad Dominum 1585. Scripsit: *Prolegomena in universam Scripturam*, — *De Incarnatione Verbi*, — *De historia evangelica*, — *De Christi miraculis*, etc.

SALMO. — Salmon Franciscus, Gallus, doctor Sorbonicus, in cognitione linguarum præsertim linguæ Hebraicæ clarus emicuit; vita functus anno 1756. Edidit opus cui titulus: *Traité de l'étude des conciles*.

SALON. — Salon sive Salonius, Michael, ordinis Sancti Augustini, natione Hispanus, inquisitionis qualifactor, in academia Valentina theologiae professor; vir exstitit tum doctrinæ, tum eruditionis fama insignis ac eloquentiæ studiis egregie imbutus; e visis discessit anno 1620. Scripsit *De justitia et jure*.

SALUT. — Salutis Bartholomæus, Italus, ordinis Minorum, vir zelo prædicationis et misericordia erga peccatores insignis, diem obiit supremum anno 1621. Edidit in lucem: — *Spectulum animæ*, — *Hortulum orationis*, — *Paradisum contemplationis*, — *Amorosum discipulum*, — *Testamentum animæ*.

SALV. — Salvianus, natione Gallus, presbyter Massiliensis, qui Colonia Agrippinæ ortum habuisse videtur, cum tanto dolore vitæ sui temporis perstrinxit, ut Jeremias quinti sæculi cognominaretur. Scripsit: *De gubernatione Dei*, — *Adversus avaritiam*.

SAMINIAT. — Saminiatus Joannes Baptista, jurisconsultus, scripsit *De controversiis*.

SAMUEL. — Samuelus Franciscus Maria, ordinis Prædicatorum, elucubravit opus cui titulus: *Praxis observanda in ecclesiasticis sepulturis*.

SANCH. — Sanchez Joannes, natione Hispanus, juris utriusque doctor, evulgavit *Disputationes selectas*.

SANCH. — Sanchez Thomas, Hispanus, patria Cordubensis, Societatis Jesu, in qua diversa exercuit munera; vir vita purissima, peracri judicio, ac theologicis doctrinis præclarus; quem ante nullus auctor exstitit, qui dubias de matrimonio controversias uberius et accuratius enodaverit; migravit ad Dominum 19 Maii 1610. Scripsit: *De sacramento matrimonii*, — *Opera moralia in præcepta Decalogi*, — *Consilia, seu Opuscula moralia*.

SANCTAREL. — Sanctarellus Antonius, natione Italus, patria Adriensis in Samnio, humaniores litteras et theologiam docuit; vir moribus apprime religiosus et modesta mansuetudine insignis, ad omnia charitatis opera expeditus; octogenario major obiit die 5 Decembris 1649. Edidit: *Vitam Jesu Christi et Beatissimæ Mariæ Virginis*, — *Tractatum moralem de hæresi, schismate, apostasia, sollicitatione in sacramento penitentiae*, etc.

SANCTOR. — Sanctorus de Melpli, Italus, ordinis Minorum, sacrae penitentiarie Lateranensis præses, claruit decimo sexto sæculo. Scripsit: *Commentaria ad statuta generalia ordinis Seraphici*, — *Thesaurus spirituales et temporales monasteriorum S. Clarae et S. Magdalene urbis Neapolitane*.

SAND. — Sandæus Fridericus, Batavus jurisperitus, legatus Hollandiæ ad plurimas aulas, decessit anno 1617, relinquens: *Commentarium in Gelviæ et Zuphanæ consuetudines feudales*, — *Commentarium in consuetudinem Gelviæ de effestuatione*.

SANDER. — Sanderus Nicolaus, natione Anglus, primum professor in universitate Oxoniensi, deinde socius cardinalis Hosii, interfuit synodo Tridentinæ; ac tandem a Gregorio XIII in Hispaniam et Hiberniam legatus missus est; obiit anno 1580. Multa concinnavit opera quorum notanda: *Tractatus de Cæna Domini*, — *De schismate Anglicano*, — *De Ecclesia Christi*, — *De ritu catholico processionum*.

SANDIN. — Sandinius Antonius, Italus, bibliothecarius et professor historiæ ecclesiasticæ in seminario Paduano, ubi e visis decessit anno 1751, ingenii monumenta relinquens: *Vitas Pontificum Romana-*

- rum, — *Historiam familiae sacrae*, — *Historiam SS. apostolorum*, — *Disputationes XX ex historia ecclesiastica ad vitas Pontificum Romanorum*.
- SAN-FELIC. — San-Felice Joannes Franciscus, e nobili familia Neapolitana oriundus, saeculo XVII floruit. In lucem edidit *Supremorum tribunalium regni Neapolitani decisiones*.
- SANT. CRUZ. — Santa Cruz, Hispanus, in collegio Sancti Thomae Aquinatis Hispanensis urbis studiorum praefecturam exercuit; vir doctus, vita functus anno 1591. Scripsit *Commentaria in Summam theologicam*.
- SANTER. — Santerna, natione Hispanus, elucubavit *Tractatum de assecurationibus et de sponsonibus*.
- SARAV. — Saravia (Ludovicus a), juris pontificii interpres, canonicus et vicarius generalis Caesaraugustae. Scripsit *Tractatum de adjunctorum jurisdictione*.
- SARNEL. — Sarnelli Pompeius, Neapolitanus episcopus, obiit anno 1720. Edidit: *Epistolae ecclesiasticas*, — *De vita communi clericorum*.
- SASBOUTH. — Sasbouth Adamus, ordinis Minorum, nobili familia Hollandiae oriundus, decessit Lovanii 1555. Vir lingua Hebraica et Graecae peritus scripsit *Commentaria in Isaiam et Epistolae B. Pauli*.
- SAUSS. — Saussay (Andreas de), natione Gallus, episcopus Tullensis, Ludovici XIII praedicator, vita functus anno 1675. Multa concinnavit opera quorum notanda: *Martyrologium Gallicanum*, — *Panopl. sacerdotum*.
- SAVAR. — Savary Jacobus, Gallus, negotiator Parisiensis, qui ad perficiendum mercatorum codicem advocatus edidit *Perfectum negotiatorem*. Obiit anno 1690.
- SAVONAROL. — Savonarola Hieronymus, natione Italus, patria Ferrariensis, ordinis Praedicatorum, vir magni ingenii multarumque scientiarum copia praedius; primo suis sacris concionibus et eloquentia se illustrem fecit; sed in posterum aulam Romanam et ecclesiasticos ordines objurgationibus prosequens, et ob hanc causam interdictus, condemnatusque ad ignem, interiit anno 1498. Edidit opus cui titulus: *De triumpho crucis*.
- SAX. — Saxus Josephus Antonius, Italus, rector collegii Mediolanensis, Ambrosianaque bibliotheca praepositus, diem obiit supremum anno 1751. Scripsit: *Dissertationem apologeticam ad vindicandam Mediolano sanctorum corporum Gervasii et Protasii possessionem*, — *De studiis Mediolanensium antiquis et novis prodromum*, — *Vitam S. Joannis Nepomuceni*.
- SAYR. — Sayrus Gregorius, natione Anglus, ordinis sancti Benedicti monachus, non vitae modo sanctimonia, sed excellenti et insigni prorsus rerum moralium doctrina claruit exeunte saeculo decimo sexto. Praecipua opera haec sunt: *Casuum conscientiae sive theologiae moralis thesaurus*, — *Clavis regia sacerdotum*, — *Flores decisionum, sive casuum conscientiae*.
- SBOG. — Sbogar Joannes Maria, clericus regularis S. Pauli, edidit opus cui titulus: *Theologia radicalis*.
- SBROC. — Sbrocias seu Sbrozzius Jacobus. Scripsit *De vicario episcopi*.
- SCACC. — Scaccia Sigismundus, Romanus jurisperitus, ineunte decimo octavo saeculo floruit. Typis mandavit *De cambiis et commercio*.
- SCALIG. — Scaliger Josephus Justinus, natione Gallus, vir utique scientia et eruditione praecellens, sed supra modum inani gloria inflatus, adversus doctos jactantiam irridentes multum dimicavit. Ex ejus operibus commemoremus: *Thesaurum temporum complectentem Eusebii Pamphili Chronicon*, — *De emendatione temporum*, — *Epistolae*, — *Poemata*. E vivis decessit anno 1609.
- SCANAR. — Scanarola Joannes Baptista, natione

- Italus, insignis jurisperitus, ac Sidonis et Tyri archiepiscopus, obiit anno 1665. Exstat opus *De visitatione carceratorum*.
- SCARFANT. — Scarfontonius Joannes Jacobus, Italus, vicarius generalis Pistoensis, scientia theologia et canonici juris cognitione claruit; vita functus est anno 1748. Typis mandavit *Animadversiones in lucubrations canonicas Ceccoperii*.
- SCHANN. — Schannat Joannes Fredericus, historiographus, patria Luciliburgensis, vita functus anno 1759. Multa concinnavit opera quorum notanda: *Vindemiae literariae*, — *Corpus traditionum Fuldensium*, — *Historia Fuldensis*, — *Historia episcopatus Wormatiensis*.
- SCHARD. — Schardius Simon, Germanus, assessor curiae Spirensis, obiit anno 1575. Edidit in lucem *Collectionem scriptorum historiae Germanicae*.
- SCHHEELST. — Scheelstratus Emmanuel, natione Belga, patria Antuerpiensis, canonicus Sancti Petri, Romae decessit anno 1692. Scripsit: *Antiquitates Ecclesiae illustratas*, — *Ecclesiam Africanam, sub primatu Carthaginiensi*, — *Acta Constantiensis concilii*, — *Acta Ecclesiae Orientalis*.
- SCHEFFMACH. — Scheffmacher Joannes Jacobus, Gallus, Societatis Jesu, cathedram Argentoratensem de rebus ad religionem pertinentibus disceptando illustravit; diem obiit supremum anno 1755. Typis mandavit *Epistolae duodecim adversus Lutheranos*.
- SCHER. — Scherius Gregorius, ordinis Minorum, Lyciensis provinciae reformatae S. Nicolai lector generalis, stylo signavit *Disputationes et quaestiones de Deo trino et uno ad mentem Subtilis doctoris*. Floruit ineunte saeculo XVII.
- SCHIAR. — Schiara Thomas Antonius, natione Italus, ordinis Praedicatorum, edidit opus cui titulus: *Theologia bellica*.
- SCHILD. — Schilder (Ludovicus de), e Societate Jesu, natione Belga, theologiae professor, vita functus anno 1667. Scripsit: *De sacramentis*, — *De principis formandae conscientiae*.
- SCHILT. — Schilter Joannes, Germanus jurisconsultus, in universitate Argentoratensi professor, obiit anno 1705. Praecipua opera haec sunt: *Codex juris Aemmannici feudalis*, — *Thesaurus antiquitatum Teutonicarum*, — *Institutiones canonicas*, — *Institutiones juris publici*.
- SCHMEL. — Schmelinck Libonius, natione Germanus, floruit ineunte decimo octavo saeculo. Typis mandavit *Galeam salutis, quod est verbum Dei in Dominicis et festis Domini per annum praedicatum*.
- SCHMID. — Schimidius Gothofredus, jurisconsultus. Scripsit *Dissertationem de Solone legislatore*.
- SCHMIDT. — Schmidt Benedictus Antonius, jurisperitus Alemannus, obiit anno 1778, relinquens *Principia juris Germanici*.
- SCHMIER. — Schmier Franciscus, Suevus, rector universitatis Salisburgensis, ineunte decimo octavo saeculo floruit. In lucem edidit opus juridicum cui titulus: *Jurisprudentia canonico-civilis seu Juris canonici universum*.
- SCHNORREMB. — Schnorremberg Anna, natione Germanus, prior monasterii Steinfeld, synodalis examinatore Coloniae, decessit die 11 Decembris 1715. Typis mandavit *Institutiones juris canonici cum brevi commentario in reg. juris*.
- SCHOUM. — Schoumen Guilielmus Cornelius, Batavus navigator, a parte australi freti Magellani novum ductum in magnum mare detexit, insulasque in mari Pacifico exploravit, quae nunc *Schoumen* appellantur; obiit Madagascariae anno 1625. Edidit *Diarium, seu Descriptionem itineris a se facti*.
- SCHULTING. — Schultingus Cornelius, natus Steinwielii, theologiae licentiatum Coloniensis, ibidemque ad S. Andream canonicus, vir pius ac doctus, migravit ad Dominum anno 1604. Scripsit *Ecclesiasticam disciplinam*, — *Bibliothecam ecclesiasti-*

- am, — *Thesaurum antiquitatum ecclesiasticarum*.
- SCHULZ. — Schulz Georgius, forte jurisconsultus Germanus, elucubravat *De consanguinitate et affinitate*.
- SCHWARTZ. — Schwartz Christianus Theophilus, Germanus, linguarum peritus, obiit anno 1751. Edidit opus: *De re libraria veterum*.
- SCHWARTZ. — Schwartzen, theologus Germanus, floruit exeunte saeculo decimo septimo. Edidit in lucem *Thesaurum dissertationum in Novum Testamentum*.
- SCIP. — Scipio Marcus Antonius, natione Italus, patria Placentinus, e congregatione Montis-Cassini, claruit circa annum 1650. Typis mandavit *Elogia virorum illustrium Montis-Cassini*.
- SCORTUS. — Scortia Joannes Baptista, natione Italus, patria Genensis, patriciae stirpis, e Societate Jesu, vir doctus et eruditione insignis, e vivis decessit anno 1627. Scripsit: *De sacrificio Missae*, — *In selectas Summarum Pontificum constitutiones*.
- SCOTT. — Scott Daniel, Anglus theologus, juris doctor, vita functus anno 1759. Scripsit: *De sancta Trinitate*, — *Novam versionem Evangelii S. Matthaei*.
- SCOTUS. — Scotus Joannes Duns, Vid. Duns.
- SCRIBON. — Scribonius Joannes Marius, Gallus, theologiae professor emeritus, floruit anno 1620. Edidit *Pantalithiam, seu Summam totius veritatis theologiae*.
- SELD. — Selden Joannes, natione Anglus, vir rerum publicarum peritus; quem Carolus I rex odio prosequens est; obiit anno 1654. Scripsit: *Mare clausum*, — *Investigationes de legibus Hebraeorum*, — *Anabecton Anglo-Britannicum*.
- SELL. — Selli Gregorius, Italus, ordinis Praedicatorum, sanctae Ecclesiae Romanae cardinalis, migravit ad Dominum die 30 Maii 1729.
- SELVAG. — Selvaggius, Italus, edidit opus cui titulus: *Antiquitates Christianae*.
- SENEC. — Seneca Lucius Annaeus, celebris philosophus Romanus, vir, quamvis more ac modo Stoico vitam agere videretur, divitias tamen ingentes cumulavit; capite damnatus a Nerone imperatore, cuius fuerat praceptor, incisus venis interiit anno 65. Praecipua opera notanda: *De ira*, — *De consolatione*, — *De tranquillitate animi*, — *De constantia sapientis*, — *De brevitate vitae*, — *De beneficiis*, — *Epistolae morales*, — *Naturalium quaestionum libri septem*.
- SENN. — Sennert Daniel, medicus Germanus, scientiae chemicae peritus, multos sibi suscitavit adversarios ob opinionum novitatem in arte medendi; vir magni ingenii et fortis animi, peste correptus decessit anno 1657. Ex plurimis operibus commemoretur *Practicum*.
- SERAPHIN. — Seraphinus Joannes, Italus, sanctae Ecclesiae Romanae cardinalis, vita functus anno 1806. Scripsit: *Decisiones*, — *De privilegiis*.
- SERRAR. — Serrarius Nicolaus, natione Gallus, patria Rambervillanus in Lotharingia, theologiae et sacras litteras tum Herbipoli tum Moguntiae docuit cum mirifico plurimorum fructu et nominis sui gloria; vir eruditione omnino exultus et in cognitione linguae Latinae, Hebraicae et Syriacae adeo versatus, ut ipsis quoque adversariis commendationem expresserit; sine religioso quievit anno 1609. Multa concinnavit opera inter quae: *Disputatio de legibus*, — *Commentaria in libros sacros*, — *De sacris Ecclesiae Latinae catholicis processionibus*.
- SERRY. — Serry Jacobus Hyacinthus, Gallus, ordinis Praedicatorum, migravit ad Dominum anno 1758.
- SERV. — Servius Honoratus Marcus, grammaticus quinti saeculi, scripsit *Commentaria in Virgilium*.
- SFORT. — Sfortia Gabriel, natione Italus, patria Senensis, ducale familia oriundus, primum fuit arte militari instructus, sed mox eam pro spirituali mi-

- lilia linquens, sub vexillo congregationis S. Augustini se aggregavit; ibique omnibus virtutibus tam moralibus quam intellectualibus ita enituit, ut, quamvis invitus et reluctans, ad Mediolanensem archiepiscopalem cathedram promotus fuerit; diem obiit supremum anno 1457. Edidit: *Tractatus morales varios*, — *Opera spiritualia*, — *Conciones et Sermones*, — *Commentaria super quatuor libros Sententiarum*.
- SIDON. APOLL. — Sidonius Apollinaris (sanctus), natione Gallus, ac patre avoque praefectis praetorio Galliarum natus, ipse Romae praefectus creatus est; sed ad episcopatum Arvernensem, licet invitus, assumptus, qui prius in excolendis liberalibus disciplinis se pene contriverat, deinceps ad divinas litteras pertractandas animum studiatque omnia convertit; exactis denique in episcopatu octodecim ferme annis, vir non minus doctrina quam egregia morum probitate insignis, in caelum ex hac vita migravit. Edidit in lucem: *Epistolae*, — *Carmina*.
- SIGEBERT. — Sigebertus Gemblacensis, in Gallia Belgica natus, juvenili admodum aetate Regulam sancti Benedicti professus est in monasterio Gemblacensi, et tum scribendo tum docendo magnam sibi laudem acquisivit, ita ut ad eum audiendum multi undique confluerent; vir erat altioris consilii et multae austeritatis; obiit anno 1112. Exstant: *Chronicon*, — *Tractatus de viris illustribus*.
- SIGISMUND. — Sigismundus a Bononia, Italus, ordinis Minorum, theologiae ac juris pontificii professor, in Bononiensi provincia; vir pius et humilis, sub priori nomine, satis apte ac diffuse scripsit opus hoc titulo insignitum: *De electione et potestate praetorum, et aliorum officialium regularium*.
- SIGON. — Sigonius Carolus, natione Italus, humaniores litteras Paduae doctissime professus est; inter vivos agere desiit anno 1584. Stylo signavit: *De republica Hebraeorum*, — *De republica Atheniensium*, — *Historiam de Occidentis imperio*, — *Historiam ecclesiasticam*, — *De regno Italiae libros viginti*.
- SIMANC. — Simaneus Jacobus, Hispanus, Pacensis episcopus, scripsit *De catholicis institutionibus*.
- SIMONET. — Simonetta Jacobus, Italus, Pisarenensis episcopus et sanctae Ecclesiae Romanae cardinalis, a Julio II et Leone X mandata in rebus magni momenti accepit; obiit anno 1559. Edidit opus cui titulus: *Tractatus reservationum beneficiorum* — *Epistolae*.
- SIMONETT. — Simonettus Edmundus, Gallus, e Societate Jesu, theologiae professor, vita functus est anno 1755. Typis mandavit *Institutiones theologicas ad usum seminariorum*.
- SIMONIUS. — Simonius Richardus, Gallus, congregationem Oratorii, in quam ingressus erat, in posterum derelinquere coactus, multos sibi suscitavit inimicos propter audaces opiniones; vir utique in interpretatione linguarum orientalium peritissimus, stylo mordaci et acuto maxime notus; e vivis decessit anno 1712. Ex multis operibus recensenda sequentia: *Les ceremonies et coutumes des Juifs*, — *L'histoire de l'Ancien et du Nouveau Testament*, — *Histoire de l'origine et du progrès des revesus ecclesiastiques*, — *Nouvelle bibliothèque choisie*, — *Recherches curieuses sur la diversité des langues*, etc.
- SIRM. — Sirmondus Jacobus, natione Gallus, patria Ricomagensis, e Societate Jesu, Romam evocatus est a P. Claudio Aquaviva generali, et ei a secretis sexdecim annorum spatium fuit; eum magni fecit, decus illud Ecclesiae, cardinalis Baronius, cujus auspiciis penetralia quaeque bibliotheca Vaticanae infatigabili studio perlustravit; qui in omni pene litterarum genere exultissimus, Latine Graecque impense doctus, obiit Parisiis anno 1651. Edidit: *Concilia antiqua Galliae*, — *Opuscula veterum scriptorum*, — *Historiam predestinatianam*, — *Editiones operum Marcellini, Theodoretii et Hincmari*, etc.
- SIXT. SEN. — Sixtus Senensis, Italus, ex patria sui-

cognomine oriundus, natus ex patre Hebræo, deinde factus Christianus; pluries relapsus in hæresim, a tribunali Inquisitionis damnatus est ad ignem; sed, venia a Pio V impetrata, ad veram fidem rediit et ordinem Prædicatorum professus, Ecclesiam Dei nobiliter illustravit: obiit Genævæ anno 1569. Scripsit *Bibliothecam sanctam*.

SOARD. — Soardus Victor Amedæus, natione Pedemontanus, e congregatione Sancti Lazari, vita functus est anno 1752. Opus evulgavit *De suprema Romani pontificis et Ecclesiæ Gallicanæ doctrina*.

SOCCIN. — Soccinus Bartholomæus, Italus, patria Senensis, jus docuit in pluribus Italiae universitatibus, et decessit anno 1507. Sophistica arte scripsit edidit *Consultationes juris*.

SOCCIN. — Soccinus Marianus, professor juris canonici, in eo munere laudem Pii II assecutus est; diem obiit supremum anno 1497. Scripsit *Consilia juris*.

SOCRAT. — Socrates, percelebris philosophus Atheniensis, integritate morum, tranquillitate animi, docendæ juventutis zelo ac demum suæ mortis genere notissimus: obiit anno ante J. C. 399. Exstant *Epistolæ ab Alatio collectæ*.

SOCRAT. — Socrates scholasticus, patria Constantinopolitanus, primum eloquentiæ forensis studium excoluit, deinde historiæ ecclesiasticæ componendæ operam omnino dedit. Vita functus est circa medium quinti sæculi. Scripsit *Historiam ecclesiasticam*.

SOLLIER. — Sollierus Joannes Baptista, Belgæ, Societatis Jesu, unus e collectoribus Actuum sanctorum, obiit anno 1740. Scripsit *Præfationem ad Martyrologium Usuardi*.

SOLORZAN. — Solorzanus (Joannes Pereira de), Hispanus jurisconsultus qui decessit in fine decimi sexti sæculi. Evulgavit *Disputationem de Indiarum jure*.

SOPHOCL. — Sophocles, illustris poeta Græcus, Apis Attica cognominatus, inter celebriores in genere dramático primus recensendus, obiit anno ante J. C. 406. Notæ sunt tragædiæ: *Ajax*, — *Electra*, — *Œdipus*, — *Antigone*, etc.

SORB. — Sorbo (Hieronymus de), Neapolitanus, Minorum minister generalis, vir doctrinæ splendore ac vitæ sanctimonia exornatus, obiit devotissime Neapoli 1612. Typis mandavit *Compendium privilegiorum Fratrum Minorum et aliorum Mendicantium et non Mendicantium reformatum secundum decreta concilii Tridentini et Summorum Pontificum*.

SORC. — Sorge, jurisconsultus, scripsit *De jurisprudentia forensi*.

SOT. — Sotus Dominicus, ordinis Prædicatorum, natione Hispanus, patria Segobiensis, primum theologiam professus est in academia Salmanticensi, ubi totius Hispaniæ homines in admirationem sui convertere cepit; deinde ad nutum Caroli V imperatoris, concilio Tridentino adfuit et ibi vitæ integritate et profunditate doctrinæ se illustrissimum reddidit; Salmanticiæ decessit anno 1590. Edidit: *De natura et gratia tres libros*, — *De justitia et jure*, — *De pauperum cura*, — *Commentaria in libros Sententiarum*.

SOT. — Sotus Petrus, ordinis Prædicatorum, natione Hispanus, Cordubensis patria, Caroli V imperatoris confessor fuit; in hæreticos summa animi præstantia et contentione acuit stylum, eosque maxime Dilingæ et Oxoniæ terruit argumentis; in concilio Tridentino scientiam doctrinamque declaravit, adeo ut princeps theologorum reputaretur; Tridenti ex nimia fatigatione ac studio pene detritus, omnium luctu, interceptus est morte anno 1565. Scripsit: *De institutione sacerdotum*, — *Doctrinæ catholicæ compendium in usum plebis Christianæ*, — *Defensionem catholicæ confessionis*.

SPE. — Spe Franciscus, Germanus, patria Cæsarijolanus, philosophiam et moralem theologiam

cum laude explicuit; vir indecisi animi ad salutem mortalium procurandam, qui tanta industria tractabat cum hæreticis ut multos ad fidem revocaverit; laborum mercedem accepit die 7 Augusti anno 1555. Edidit: *Exercitia pia, sive aurea de fide, spe et charitate*, — *Cautionem criminalem sub nomine theologi Romani*.

SPECUL. — Speculator, vide Durantus.

SPELMAN. — Spelmanus Henricus, eques Anglus, antiquitatis investigator qui obiit 1641, ætatis suæ 80, scripsit: *Glossarium archæologicum*, — *Villare Anglicum*, — *Collectionem conciliorum Anglicorum*, — *Vitam Alfredi Magni*.

SPENC. — Spencer Joannes, Anglus theologus, obiit 1693. Typis mandavit: *De legibus Hebræorum ritualibus*, — *De prodigiis et prophetiis vulgaribus*.

SPERELL. — Sperellus Alexander, Italus, episcopus Eugubinus, circa finem decimi septimi sæculi floruit. Opus scripsit cui titulus: *Decisiones fori ecclesiastici*.

SPOND. — Spondanus Henricus, Gallus, ex Calvinista Catholicus, deinde episcopus Fridelacensis, vir scientia linguarum insignis, obiit Tolosæ die 18 Maii anno 1645. Præcipua opera: *Epitome annalium Baronii*, — *Annalium Baronii continuatio*, — *De cæmeteris saecris*.

SPOB. — Sporer Patricius, patria Passaviensis, ordinis Minorum, doctus theologus, claruit circa annum 1720. Scripsit: *Theologiam moralem de Decalogo et de sacramentis*, — *Tyrocinium sacramentale practicum*.

STAM. — Stamm, forte jurisconsultus, qui scripsit *De servitudine personali*.

STAPLET. — Stapletonius Thomas, Anglus theologus, professor regius in universitate Lovaniensi et canonicus Sancti Petri, obiit 1598. Edidit opus cui titulus: *Antidotum apostolicum contra hæreticos*.

STELL. — Stella Didacus, natione Hispanus, theologus, eximius concionator, scriptoribus asceticis minime postponendus, edidit in lucem: *De contemnendis mundi vanitatibus libros tres*, — *Meditationes de amore Dei*, — *De modo concionandi*.

STEPH. — Stephanus a S. Paulo, ordinis Minorum, qui scripsit *Theologiam moralem*.

STEPHAN. GRAT. — Stephanus Gratianus, vide Gratianus.

STILTING. — Stillingus Joannes, natione Belgæ, e Societate Jesu, vir scientia et pietate insignis, unus e collectoribus Actuum sanctorum, vita functus anno 1761, opus eximium concinnavit cui titulus: *Apologia sancti Hieronymi*.

STOZ. — Stozius Matthæus, natione Germanus, Societatis Jesu, per triginta annos philosophiam et theologiam docuit; migravit ad Dominum anno 1678. Præcipuum opus: *Tribunal penitentiale*.

STRAB. — Strabus, vide Walafridus.

STRANCH. — Stranchius Joannes, Germanus, jurisperitus, vita functus anno 1670, scripsit *Disertationes de annatis*.

STRICH. — Strichius Samuel, Germanus jurisconsultus, consiliarius electoris Brandenburgensis, in universitate Hallensi professor, vita functus anno 1750. Scripsit: *De cautelis contractuum*, — *De successione hæreditatis*, — *De actionibus et præscriptione*.

STRUV. — Struvius Georgius Adamus, jurisconsultus Magdeburgensis, doctus juris professor, consiliarius ducum Saxonie, decessit anno 1592. Multa ejus opera quorum notanda: *Syntagma juris civilis*; — *Syntagma juris feudalis*.

SUAR. — Suarez Franciscus, natione Hispanus, patria Granatensis, Societatis Jesu, primo theologicas scientias docuit Pincie, Salmanticiæ Romæque, deinde a Philippo II primam cathedram Comimbriæ jussus est occupare; quo in munere tanta doctrina et eruditione enituit ut *Doctor eximius* appellaretur; vir insuper gravitate morum, animi submis-

sione atque modestia valde conspicuus; pie migravit ad Dominum anno Christi 1617, ætatis fere 70. Inter ejus opera commemoremus: *Tractatum de legibus*, — *De gratia*, — *De auxiliis et libero arbitrio*, — *De justitia Dei*, — *De incarnatione Verbi*, — *De mysteriis vitæ Christi*, — *Defensionem fidei catholicæ*, etc.

SUET. — Suetonius Tranquillus, Romanus historiographus, primum imperatoris Adriani secretarius, deinde ab hujus principis favore dejectus, consolationem in litteris excolendis exquisivit. Exstat opus majore licentia exaratum *De Vitis duodecim Cæsarum*.

SUID. — Suidas, scriptor Græcus qui floruit decimo sæculo. Indigestam compilationem edidit cui titulus: *Lexicon historicum et geographicum*.

SURENIUS. — Surenhusius Guillelmus, auctor Germanus decimi octavi sæculi, notus tantum editione operis cui titulus: *Mischna, sive totius Hebræorum juris, rituum, antiquitatum ac legum orationum systema, Heb. et Lat. cum comment. Maimonidis*.

SURIUS. — Surius Laurentius, natione Germanus, e congregatione Carthusianorum, vir animi submissione et pietate insignis, diem obiit supremum anno 1578. Multa scripsit quorum notanda: *Collectio conciliorum*, — *Vita sanctorum*, — *Commentaria rerum gestarum in orbe*.

SYLV. — Sylva sacrarum cæremoniæ, vide Buongiovanni.

SYLVEIR. — Sylveira Joannes, natione Hispanus, patria Ulyssiponensis, e nobili familia oriundus, in ordine Minorum suprema munera exercuit; migravit ad Dominum anno 1687, ætatis suæ 82. Elucubravit *Commentaria in Evangelia*.

SYLVEST. — Sylvester Mazzolini de Prierio, natione Pedemontanus, ordinis Prædicatorum, theologus in canonico civilique jure versatus, sacris litteris, omnigena eruditione peritus ac vitæ regularis exactissimus observator; fuit magister sacri Palatii et primus inter omnes qui calamum in impium Lutherum cepit acuire, ejusque statum cum libris, Leone X mandante, Romæ in platea Agonis per carnificem publico igni damnavit; Romæ obiit anno 1525. Scripsit: *Apologiam de conventibus institutorum Romanæ Ecclesiæ*, — *Summam de peccatis a suo nuncupatum nomine Sylvestrinam auream rosam*, — *De observatione morientium*.

SYLVIVS. — Sylvius (Dubois), Franciscus, Belgæ, Duacensis professor et decanus, devote obiit anno 1649. Edidit in lucem: *Commentaria in Summam divi Thomæ*, — *Varias resolutiones casuum*.

SYNCELL. — Syncellus Georgius, Græcus monachus qui octavo sæculo floruit. In lucem edidit opus sub hoc nomine: *Chronographia*.

SYNES. — Synesius, patria Cyrenensis, ex ethnico Christianus, invitatus ad fastigium episcopatus elevatus est, existimans hanc dignitatem suis doctrinis philosophicis parum convenire. Vivebat initio quinti sæculi. Exstant: *Oratio ad Arcadium imperatorem*, — *Epistolæ*, — *Homiliæ*.

## T

TABER. — Taberna Joannes Baptista, natione Gallus, e Societate Jesu, vir theologica scientia præclarus, Duaci decessit anno 1686. Edidit eximium opus cui titulus: *Synopsis theologicæ practicæ*.

TABIA. — Tabia (Joannes Cognatus de), natione Italus, patria Tabiensis, ordinis Prædicatorum, obiit 1525. Scripsit *Summam summarum*.

TABOR. — Tabor Joannes Otho, Germanus jurisconsultus, vir scientia illustris, vita functus est anno 1674. Edidit in lucem: *Filium Ariadneum per sinuos Pandectarum juris anfractus*, — *De intercept. crimin.*, — *De confront. disput.*

TACIT. — Tacitus Caius Cornelius, percelebris

historiographus Latinus, orator eloquentia præclarus, Plinii Junioris amicus; prætor, quæstor et consul successive creatus est; vir fortissimi et profundissimi ingenii ac nervoso stylo commendatus; obiit circa annum 130. Cuique notissima opera: *Annales*, — *Historiæ*, — *Vita Agricolæ*, — *Mores Germanorum*.

TAMBUR. — Tamburinus Aseanius, natione Italus, Vallisumbrosæ congregationis abbas generalis, diem obiit supremum 1666. Scripsit: *De jure abbatum et abbatissarum*, — *De jure abbatissarum et monialium*.

TAMBUR. — Tamburinus Thomas, Italus theologus, Societatis Jesu, e nobili familia Sicilia oriundus, vita functus est anno 1675. Scripsit: *In Decalogum*, — *De confessione, communionem, sacramentis, contractibus*.

TANCRED. — Tancredus Vincentius, natione Siculus, patria Panormitanus, Societatem Jesu ingressus est; philosophiam et theologiam docuit, et plura moliens litteris consignare, vinculis corporis solutus est Panormi die 29 Octobris 1659. Edidit in lucem: *Questiones morales de matrimonio*, — *De virtute religionis*.

TANN. — Tannerus Adamus, natione Germanus, patria Tyrolensis Oenipontanus, e Societate Jesu, in universitate Pragensi cancellarius; vir fuit ingenii acris et seduli; Latine, Græcæ, et Hebraicæ linguæ peritus; obiit 1652. Multa tum Latine tum Germanice scripsit his titulis: *De verbo Dei scripto et non scripto et de judice controversiarum fidei*, — *Disputationes theologicæ in Summam divi Thomæ*, — *Apologia pro Societate Jesu*.

TANN. — Tannerus Thomas, Anglicus episcopus, decessit anno 1755. Opera sequentia scientiam et magnam judicium præ se ferunt: *Bibliotheca Britannico-Hibernica*, — *Notitia monastica Anglica*.

TAPP. — Tapperus Rucwardus, Hollandiæ controversista, cancellarius universitatis Lovaniensis, adfuit concilio Tridentino; obiit 1559. Scripsit *Orationes theologicas*.

TAPPIA. — Tappia Carolus, Italus, jurisperitus, præses consilii regii, e vivis decessit 1644. Edidit: *Commentaria ad Rubr. de constitut. principum*, — *Tractatum de rebus religiosis*, — *Jus regni Neapolitani*.

TARTAG. — Tartagnus Alexander. Vide Imolemsis.

TATAR. — Taretus Petrus, ordinis Minorum, Parisiensis nuncupatus, Scotista subtilissimus, floruit circa annum 1500. In lucem edidit: *Commentaria in libros Sententiarum*, — *Questiones morales*.

TELLEZ. — Tellez Balthasar, natione Hispanus, patria Ulyssiponensis, theologiam scholasticam docuit; vir magnæ pietatis et doctrinæ, migravit ad Dominum 1675. Scripsit: *Summam universæ philosophiæ*, — *Chronicon Societatis Jesu*.

TENCIN. — Tencinus Petrus Guerinus, natione Gallus, sanctæ Ecclesiæ Romanæ cardinalis et archiepiscopus Lugdunensis, publicæ rei administrator, decessit anno 1758. Scripsit *Instructions pastorales*.

TERENT. — Terentius Publius Afer, Romanus poeta percelebris, per quem dulces Latini leporis faciæ nituerunt: secundum opinionem communiorum decessit anno 159. Cognoscuntur ejus *Comædiæ*.

TERTULL. — Tertullianus Quintus Septimius Florens, patria Carthaginiensis, doctor Ecclesiæ vigore eloquentiæ conspicuus, primum ethnicus, deinde ad fidem conversus, in fine vitæ suæ in Montanismum prolapsus est. Inter præclara opera commemorentur sequentia: *Apologetica*, — *Adversus Gentiles libriduo*, — *De testimonio animæ*, — *De spectaculis*, — *De idololatria*, — *Adversus Marcionem libri quinque*, etc.

Tertul. Præd. — Tertullianus Prædicans titulus est operis Viviani Michaelis, natione Belgæ, sacrae Theologiæ lectoris, qui edidit opus prænotatum.

TERZAG. — Terzagus Nicolaus, natione Italus,